

續輯均州志卷之四

營建志敘

四井曰邑五鄙為縣相度經營保民是先繕城浚池以資捍衛立署嚮明勿俾幽蔽有備無患成憲是遵凡百所建利我人民於是首城池次隄防次公署倉庫附以坊表義地志營建

城

州城東北襟帶漢水南屏武當西枕黃峯關門諸山城小而固亦襄陽上游屏障也周一千八十八丈

續輯均州志

卷之四 城

一

高二丈五尺上濶一丈二尺下倍之雉堞凡七百有九十門四東曰宗海南曰望嶽西曰啟秀舊名夕照北曰拱辰自唐迄元修築無考明洪武五年守禦千戶李春重修永樂中甃以甃石東門左右設門二以便樵汲毗南曰平安毗北曰保安崇正時知州胡承熙因舊城卑陋增築之四門各建譙樓勢極雄峻後遭惠副將南逃樓悉為賊燬

國朝康熙二年流寇餘黨郝永忠竄均城復陷三年知州佟國玉署知州程垣重事修築二十四年知州



江閩續修雍正三年知州高澤甯七年知州許大壯相繼補葺乾隆二十四年知州張炎領帑增修道光十四年知州衍榮補修咸豐二年漢水溢城甃脫落女牆傾圯大半城東北隅幾成蹊徑三年知州殷序之籌款繕修完整如初惟西南隅埤堦較卑七年署知州吳嗣仲增築之

按酈道元水經注漢水又東平陽川水注之水出縣北伏親山南歷平陽川逕平陽故城下南流注於沔又東南逕武當縣故城東又東曾水

注之考今州西北九十里爲遠河口水一源出伏龍山疑卽古之平陽川水也州東南十里許爲龍巢山卽曾河口以形勢度之今州城所建

當卽漢武當縣故城址攷太平寰宇記載後魏改興州爲豐州周武成元年自鄖鄉城移於延岑城隋開皇五年改豐州爲均州又武當本漢故縣舊治延岑城唐顯慶四年移於今所是均州與武當至唐初已分立兩城州治以延岑城爲治所自貞觀八年復置歷宋元明累代相沿



不復移建其顯慶時所移武當紀載闕如未能  
詳指其地元史地理志載武當兵亂遷治無常  
至元十四年復置代遠年湮均難臆斷至均州  
建城緣起以水經注寰宇記考之已得梗概又  
新唐書均州東南百里有鹽池有武當山寰宇  
記又載均州東南至襄州水路三百六十里今  
州城距襄郡水程與記中所載若合符節參觀  
互證其爲漢延岑築城處確鑿無疑惟西門久  
閉不知始自何年舊志亦未經詳載查州城來

脈自西方蜿蜒而入理宜開通以達山川清淑  
之氣光緒二年知州舒藻集議重開已擇吉興  
役因城闈坍塌需費甚鉅工遂止嘉慶間邑人  
蕭鎮樞曾著請開西門說特附載之以俟後君  
子採納焉

邑人蕭鎮樞請開西門說

均州自武當西發脈迤邐百餘里至近城九里  
岡過峽由西方一帶層疊起伏至北郭山麓抵  
漢水兜轉橫結龍靈氣聚西門外重岡複嶂蜿



蜿蜒秀於地方文風大有關會而城門鑿砌不  
審始自何時州志亦未載其年月質之民情土  
俗甚不相宜有謂斯門所由閉實以避山勢之  
壯豈知來脈之山卽高極萬丈愈壯愈妙所謂  
天柱高而壽彭祖也歷觀環城諸山東南北三  
面皆厓巖巖窠西山則岡巒迴合繡錯綺交無  
嶮峻嶙峋勢何壯之足避又有謂前人爲禦寇  
計築塞城闔以固封守者語云衆志成城豈丸  
泥一封遂足以資捍禦今世方隆盛海宇承平

更無事弄兵潢池爲慮且東北兩門偪臨漢水  
西門外平岡平野可樵可耕城內蔀屋窮檐時  
出樵採皆由南門紆折而西未免濡滯若此門  
一闔實於耕樵甚便又州城平臨漢水每值雨  
潦之歲江漲橫溢滿灌城中民間廬舍往往沖  
激坍塌西門地勢較高頗足以避水災而倉卒  
之間無門可出爲思患豫防計尤當亟行開通  
者也周覽四郊形勝東北山勢童禿草木不殖  
南面武當一山遠在百里之外近則郊原平行



其氣渙而不聚惟西山蘊藉蔥蒨乃一字文星  
嘗聞父老相傳西門未閉之初人才輩出若唐  
節度馮行襲宋理學祁寬明御史李紹楊遜諸  
公體用兼備冠倫魁能拔冕所興後先媲美有  
明二百年間捷秋闈者不下數十人及西門既  
閉文風漸衰

本朝甲乙兩科獲雋者寥落如晨星儒生返躬責  
己自是修學不力且讀書志在聖賢亦豈以科  
名爲重但山川猶是城郭猶是何士之生是邦  
者在勝國則奮驥皇路濟濟如雲而我

朝右文稽古雅化作人求所謂磊砢英多掇巍科  
登顯仕用勸相國家者百不一二見是文風之  
不振實緣西門閉塞之所致彰明較著不待智  
者而知培補文風之說亦理所恒有未可河漢  
其言伏查西門久閉其不利於民情風俗難以  
枚舉所賴牧司士者俯察各情以便民生爲心  
尤以扶助文風爲要勵精獨斷復啟西門則附  
郭及城內居民往來耕樵咸歌便利間值水患



徙避有方而來脈宣通山川清淑之所孕育知  
必有耆儒哲士挺生其間出處得正爲邦家光  
文運昌明實闔邑士民之福芻蕘微論惟賢刺  
史實圖利之

池

州東臨漢水以河爲池西南北皆鑿濠各深一丈五  
尺闊稱之明崇正時知州胡承熙益加浚深

國朝二百餘年來休養生息人民蕃庶西北高原岡阜  
悉數開闢夏秋時雨滂沛畦町土壤順流下積舊

續輯均州志

卷之四

城

池

隄防

六

濠已淤塞無存

隄防

保均隄在城東門外起自北郭下訖東南隅約長二  
里許廢修不知幾何年隄石皆崩塌河中其丈尺  
廣袤不可考今冬令水涸時基石猶嶺峙呈露去  
城約二丈咸豐二年知州殷序之於城東北隅修  
築石隄一段長三十四丈闊三丈高一丈五尺以  
捍江流今尙存

新修護城隄在臨江橋上長五十一丈高三丈二尺



闊一丈六尺同治七年邑人賈洪詔等呈請署總督郭中丞柏蔭籌撥公款七千餘緡築修

按隄防之設凡以捍水患衛民生工至要也而濱江濱河諸城邑恆壘石爲長隄以資捍護因時修捺惟關懷昏墊思深慮遠者能先事而預圖之均州舊有保均隄年久廢修日就傾潰道光十二年漢水漲溢奔灌入城低窪處積水丈許土室蓬門坍塌強半咸豐二年知州殷序之亟事隄防因經費不敷僅修築城北郭石隄一

段工未竟而止是年秋七月暨同治六年秋八月兩次陽侯爲裁視道光時更劇河東沙澗日淤日高水勢過滄浪亭下爲石麓所激直瀉東門城根洶湧澎湃隄塹已沖齧無餘沿河城墉率多綻裂東南隅城址偏近河干敲側傾陷累卵可危環堵生靈將嘆其魚矣同治七年署總督郭中丞柏蔭巡方過均邑人賈洪詔力陳各情亟請修築河隄保衛桑梓郭公深韙其言卽日檄何方伯璟籌撥鄖郡釐金累萬俾興鉅工



旋檄候補直隸州陸牧佑勤來均勘估工料不吝公款而重恤民力疆吏之仁亦均人之幸也乃當事者惑於辯言恐動用公款致貽賠累乃飭諭士民無城鄉貧富一體捐輸令初出城關內外所派已不下二萬金遠近駭然幸上憲明察嚴札停止既而陸牧復與賈洪詔等籌商陳請擇要興役僅修築臨江橋口河隄一段藉保城垣惟新築隄以上至城東北隅隄坑沙壩水勢衝齧年復一年終不免決裂陸沈之患迄今

邑人士追憶七年籌款事輒深惜之

官署 廢署附

州署舊在城正中向南門明永樂時勅修武當改爲淨樂宮知州陳清遷建城西南隅中正堂戒石坊儀門頭門申明亭旌善亭左架閣庫譙樓右西廳幕廳軍器庫堂北爲州宅明末賊燬

國朝順治初官茲邑者俱儼居民舍康熙八年知州佟國玉購民基捐貲修建規模乃備卽今州署也乾隆四十四年署知州王大復補葺道光十二年漢



水溢頭門儀門悉坍塌知州衍榮復行修建同治八年知州馬襄增建四堂官宅內外歲久失修朽蠹頗甚光緒三年知州馬雲龍重修儀門科房戒石坊五年復集貲通署修葺凡九十餘楹開拓頭門外基址開闔崇啟鼎建一新並於二堂東隙地增修客館顏曰留有餘地步齋

學正署

訓導署

俱詳學校

吏目署舊在州治東久廢雍正中假寓南陽書院道光二十六年州人士清釐書院租產於州署西購

續輯均州志

卷之四

官署

九

買民基爲建修捕署地同治十一年署知州朱宗濤籌款興修自儀門及廳堂廂房凡十八楹光緒三年春吏目黃肇敏募建衙神祠五年秋知州馬雲龍增建內宅廂房凡七楹

巡檢司署舊在州南九十里黑虎廟順治十六年裁署廢光緒四年增設孫家灣巡檢司知州馬雲龍奉文勅修五年夏飭邑士民捐金購買民房基址修建儀門大堂二堂廂房廚房書識弓兵房凡二十楹



試館在大東街咸豐七年署知州吳嗣仲以軍需餘款發交邑紳蕭光烈等相地勘建十年知州熊登瀛落成

參將署在學山後西街地爽塏局勢開拓由頭門迄內堂約廣十八丈有奇袤四十餘丈門宇凡五重署東地勢尤廓袤約八十餘丈前建衙神祠四間書識房三間次演武廳三間軍械庫七間次內箭道爲朝夕校軍之所二堂東爲倚樹軒署後隙地約三畝許同治六年水災屋宇坍塌甚多署參將第補葺加黝堊焉

守備署在學廟街西北向內外房宇凡六楹久失修千總署久廢歷任千總悉僦居民舍

把總經制外委駐防

詳軍制

布政分司署在州南久廢

按察分司署在州南久廢

中司署在分司右久廢



府館在分司前久廢

州判署順治十六年裁署廢

廣積倉大使署順治年裁署廢

均陽水驛驛丞署在南門外明隆慶時裁署廢

界山馬驛驛丞署在州東南百二十里明隆慶時裁

署廢

陰陽學在州治西今廢

醫學在州治東今廢

僧正司舊在報恩寺

續輯均州志

卷之四

官署

公廨

士

道正司舊在五龍宮

公廨

常平倉在淨樂宮內東西各十二廩久失修光緒三

年冬知州馬雲龍於西廩改建三大間

神惠倉在城內迤西嘉靖十五年參議方升啟建久廢

預備倉在城內迤西嘉靖十九年少監李學建久廢

廣積倉在州西北久廢

社倉舊在各鄉凡四十五處今廢

養濟院一在預備倉前久廢一在州治北康熙十一



年知州黨居易捐俸勸修有記詳藝文今廢一在城南

大校廠後

漏澤園在北門外久廢

停驂亭在西岡山下久廢

膏火賓興局在試館東光緒元年署知州王培厚以

太和書院東偏屋宇增設

軍器局在城西北隅久廢

火藥局在北城樓

軍械庫在參將署東

續輯均州志

卷之四

公廡

坊表

十一

大校廠在南門外迤西

小校廠在參將署東

演武廳一在城南大校廠久圯待修一在小校廠

坊表

朝宗坊

南門外明宏治間參議馬詮建

擢桂坊

為舉人黃純立

登瀛坊

為舉人嚴成立

賓賢坊

為舉人楊景福立

登科坊

為舉人張成立

登科坊

為舉人尹昇立

榮科坊

為舉人蒲政立

鳳翼坊

為舉人徐宗海立

凌雲坊

為舉人鄭甯立

步月坊

為舉人張連立



登雲坊

為舉人何堯智立

擢秀坊

為舉人李瓘立

梯雲坊

為舉人張淵立

攀桂坊

為舉人劉泰立

折桂坊

為舉人吳拱立

步蟾坊

為舉人翟聰立

世科坊

為舉人何泰立

經魁坊

為舉人賈敏立

耀武坊

為舉人邵瓊立

跨鰲坊

為舉人李紹立

文魁坊

為舉人楊遜立

攀龍坊

為舉人張纁立

進士坊

為進士李紹立

瀛洲獨步坊

為進士楊遜立

進士坊

為進士張纁立

繡衣坊

為御史李紹楊遜立

豸繡坊

為御史張纁立

世科坊

為舉人賈拱祿賈如愚立

續輯均州志

卷之四

坊表

三

司馬坊

為兵部郎中陳詔立

太和三鳳坊

為舉人段蓋國王任皋馬蓋臣同榜立

旌節坊

為明生員李謙妻王氏立

以上見舊志俱廢

戴朱氏節孝坊在州治東

秦袁氏節孝坊在北門內

鄒賈氏節孝坊在州南棗園村

賈周氏節孝坊在州西南老營村

朱王氏節孝坊在城南三元宮西



李吳氏節孝碑在州南閩兵營

程辭氏節孝碑在州西旱莊村

賈贈君贊元墓碑銘在州南七里屯四川總督駱

公秉章撰咸豐十年

續輯均州志

卷之四

坊表

三



義地

一在城南柏楊林計地六畝舊濱漢水今圯

一在城東烏頭山計地一十五畝

一在城西西岡屯計地二十五畝

以上見通志

一在草店鎮東筆架山腳計地八畝

一在草店村過街樓北計地四畝晉府菴捐置

一在白浪村胡公堰東乾隆四十年河南孟縣商人

李天祿捐置

續輯均州志

卷之四

義地

十四

一在西岡屯長堰道光元年邑貢生史成名捐置

一在丁家營西計地十畝道光十六年邑監生丁煌

捐置

一在城外大校廠西計地四畝同治十三年蘇文煒

捐置

一在西岡屯長堰計地八畝光緒三年蘇文煒捐置